



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 5. An sunt aliquæ causæ, ob quas liceat res pluris vendere, vel minoris  
emere, quam alioqui valeant?

**urn:nbn:de:hbz:466:1-40993**

**I**lucri cessantis causa per injuriam: nam quisque habet jus, ut fraude, vel mendacio, vel vi non inducatur ad aliquod damnum patientium, vel lucrum amittendum.

**Q. 5.** *An sunt aliquæ causæ, ob quas liceat res pluris vendere, vel minoris emere, quam alioqui valeant?*

**R**esp. I. *Etsi* nunquam liceat rem pluris vendere, vel minoris emere, quam h̄ic & nunc valeat, omnibus consideratis, cūm alias non servaretur æqualitas justitiae inter mercem, & pretium; sunt tamen variæ causæ pluris vendendi, vel minoris emendi rem, quam alioqui valeat pretio vulgari, eo quod ob illas pluris, vel minoris æstimetur, & valeat, quam si absent.

**R**esp. II. *Ex* communī, causæ pluris vendendi hæ sunt. 1. *Lucrum cessans,* vel *damnum emergens,* deductis deducendis: ut si merces, quas in aliud tempus servare decreveras, quo plus probabiliter valituræ sunt, vendas in gratiam alterius, ex cap. ult. *de usur.* aut si yendas merces, quas cogēris postea carius emere: nam præter pretium rei currens exigere potest compensatio jacturæ lucri sperati, & damni, quæ ex alienatione rei sequuntur, ut dixi de mutuo, venditor enim non tenetur ex justitia cum suo damno vendere. *Sed* tunc cum venduntur merces anticipata pretii majoris taxatione

tionē deduci debent impensæ, quas venditor facturus erat ad servandas merces usque ad statutum tempus, & computari æstimatio diminutionis, deteriorationis, & periculi harum mercium in id tempus servandarum. Alioqui non servaretur æqualitas, & venditor exigeret ultra suam indemnitatēm, ideoque plusquam sibi deberetur. Exigeret enim totum lucrum cessans, non compensando dānum, ac periculum quod subiret, merces suas servando, & quo immunis est eas vendendo. Item vendenti ante tempus quo statuerat vendere, licet convenire cum emptore, ut solvatur pretium sive majus, sive minus, quod res valebit eo tempore, quo venditor decreverat vendere, sed deductis paulo ante dictis.

2. Causa est affectus rationabilis domini ergarem, quæ venditur in gratiam alterius, ut quia est antiqua, quia à principe, vel a majoribus accepta, &c. Atque etiam oblectatio: nam molestia subeunda ex carentia rei specia: liter amatæ, & privatio oblectationis in gratiam alterius sunt pretio æstimabiles, tanquam incommoditas quædam, perinde, ac privatio utilitatis. Sed illud pretium debet esse moderatum in judicio prudentum: affectus enim immoderatus intra terminos rationis, & moderationis reduci debet, nec pretio enormi redimi.

*Not.* Cum ob prædictas causas plus exigitur, emptor de hoc monendus est; alioqui ei

I i 5 fieret

fieret injuria. Nam ipso ignorantे ideoque non consentiente acciperetur pretii excessus pro aliquo merci extrinseco, cūm tamen ipse solum consentiret in pretium mercis secundum se spectat $\alpha$ ; & forte rem non emeret, sed alionde sibi provideret, si sciret pretium propositum esse majus, quam res secundum se valeat: deinde deciperetur circa valorem rei *absolutum*, & alios postea decipere posset.

3. Est copia emptorum, vel pecuniarum, & penuria mercium; ut sit, v. g. in adventu subito principis, exercitus, &c. Id enim plurim  $\approx$ stimator, quod à pluribus queritur, quodque difficiūs, vel minore copia invenitur.

4. Pericula, impensæ, labores in rebus istis conquirendis, conservandis, &c. communiter occurrentia: nam hæc sunt pretio  $\approx$ stimabilia nisi tamen merces illæ jam suum habeant pretium, quo passim vendantur. Nam tunc in pretio  $\approx$ stimando jam habita est ratio laborum, & impensarum, quæ communiter fieri solent. Dico *communiter*, nam si quis plures impensas fecerit, & plus laboris, vel periculi, aut damni subierit, quām alii communiter, non potest idēo pretium augere, sicut non tenetur minuere, si ordinarias impensas non fecerit: quia infortunium, vel difficultas, sicut felicitas, vel industria unius venditoris non mutat communem  $\approx$ stimationem, quæ sumitur à communiter accidentibus: res quippe tanti valet, quanti  $\approx$ stimator communiter, non

quan-

eoque  
cessus  
enipse  
ecun-  
neret,  
etium  
ndum  
lorem  
posset  
um, &  
tu su-  
pluris  
quod-  
tur.  
us istis  
uniter  
abilia:  
it pre-  
uncin  
labo-  
erfieri  
plures  
riculi,  
niter,  
onte-  
onfe-  
sicut  
s non  
sumi-  
uippe  
, non  
quan-

qui per infortunium, vel imprudentiam aliquibus constat.

5. Modus vendendi, ut cum res venditur in parva quantitate, & minutatim: tunc enim propter labores, impensas, operas, & curas, quae ad id exiguntur, potest pluris vendi, quam si venderetur simul in magna quantitate.

*Resp. III. Ex communi*, sunt quoque variæ causæ ob quas licet minoris rem emere, quam alia valeret.

1. Si res emptori parùm sit utilis, nec eam emat nisi in gratiam venditoris. Res enim vi-lescit tum ex eo, quod emptores non inveniantur, tum ex eo, quod res ementi parùm sit utilis. Item si res ultrò offerantur, & emptores querantur, aut rogentur, juxta illud effatum, *merces ultrone& vilescent*: quia hoc indicat paucitatem emptorum; nisi tamen aliud charitas exigat: neque enim licet vilius emere res pauperum, quas ipsi necessitate compulsi venales proponunt, eo solo prætextu, quod offeruntur venales. Imò ob necessitatem præcisè, qua proximus rem suam vendere cogitur, pretium imminuere injustum est, perinde ac illud augere ob necessitatem, vel utilitatem emptoris: quia sicut emptoris necessitas non auget valorem rei, sic venditoris necessitas eundem absque alio titulo non minuit.

2. Ob emptorum paucitatem, quia id minoris aestimatur, quod minus queritur.

3. Ob

3. Ob mercium copiam supervenientem. Tunc enim vulgare pretium minuitur, quia minoris id aestimatur, cuius major est copia.

4. Cum merces in magna quantitate simul emuntur, tunc minoris emi possunt, quam si minutatim, & per partes emerentur: quia hoc vendendi modo mercator liberatur multis curis ac impensis, & operis, quas circa illas subiisset, & sit expeditior ad novas merces comparandas: quod magis ipsi quaestuosum est, quam si eas pretio ordinario sensim vendidisset.

5. Cum venduntur auctiōne publica, seu sub hasta; tunc possunt minoris emi, & interdum pluris vendi, quam ferat pretium mercatorum. Quia ibi res fortuito, ac incerto pretio subjiciuntur: ita ut seclusā vi, fraude & subornatione possint justè minoris emi ob licitantium paucitatem, ac frigus, & pluris vendi ob offerentium multitudinem, ac fervorem. Quare iuxta multos justum illius fori pretium est illud, quod absque vi, fraude, & subornatione offertur, & acceptatur ab intelligentibus, ut passim fert eruditorum, ac piorum sensus, & usus, in quem publica potestas tacitè consentire videtur.

Dixi, *absque fraude*, &c. nam si per fraudem vel subornationem extrahatur res extra pretium mercatorum, tunc erit injustitia & obligatio restituendi: ut si venditor inducat fictum licitatem, ut augeat pretium; velsi  
emotor

emptor impedit alios, ne pretium liberè au-  
geant, vel per vim aut fraudem avertat alios  
ab emendo. Nam quisque jus habet ne frau-  
de, aut vi impediatur ejus commodum.

**Q. 6.** *An licet pluris vendere rem, eo quod sit  
emptori valde grata, vel utilis, aut neces-  
saria?*

*Resp.* Neg. *Est communis.* Quia hæc utilitas,  
affection, necessitas non est aliquid vendentis;  
sed est ex conditione ementis: at injustum  
est vendere rem carius propter aliquid, quod  
suum non est S. Thom. 2. 2. q. 77. a. 1. Hinc  
injustè mihi carius vendis domum tuam meæ  
contiguam, quia mihi perutilis est.

**Q. 7.** *An privatim sciens pretium mercis brevi-  
autum, vel imminutum iri, potest justè eam  
pretio currente vendere, vel emere,  
non monito altero contra-  
bente?*

*Resp.* Aff. Modò absit fraus omnis. Ita S.  
Thom. q. 77. a. 3. ad 4. & alii communiter.  
Quia pretium currens, sive sit lege, sive com-  
muni aestimatione constitutum, est justum, &  
nondum immutatum; nam scientia privata  
vendentis, vel ementis non mutat decretum  
Magistratus, nec communem aestimationem,  
unde petitur justum rei cujusque pretium.

Sic